



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XI

BROJ: 191

DATUM: 14.11.2014. GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana obuka za vijećnike na temu: "Upravljanje imovinom JLS"	1
Federalni fond izdvojio sredstva za pomoć Ključu	1
Održan prvi međunarodni sajam i konferencija o obnovljivim izvorima energije i energetske efikasnosti - RENEXPO	2
Održana javna rasprava o nacrtu Zakona o premjeru i registraciji nekretnina	3
Počela izgradnja Centra za podršku inovacijama u Bos. Krupi	3
Izvršena prezentacija faze II Studije izvodljivosti za zajednički prečištač otpadnih voda	4
Kroz podršku dijaspore i UNDP u Jajcu 7,5 HA novih zasada maline	5
Grad Bihać i Općina B. Krupa pristupile BFC SEE program	5
Vlada FBiH podržala kreditno zaduženje Gradačca za vodonabijevanje	6
Omladinska banka Doboj Juga promovisala deset ovogodišnjih projekata	6

Bilten Saveza općina i gradova Federacije Bosne i Hercegovine

ODRŽANA OBUKA ZA VIJEĆNIKE NA TEMU: „UPRAVLJANJE IMOVINOM JEDINICA LOKALNE SAMOUPRAVE“



Sa obuke u Vitezu, 12.11.2014.

U organizaciji Saveza općina i gradova Federacije Bosne i Hercegovine, 12. i 13. novembra/studenog, u Vitezu i Tomislavgradu održana je obuka za vijećnike na temu: „Upravljanje imovinom jedinica lokalne samouprave“.

Obuka je organizirana kroz projekat Sistem obuke za jedinice lokalne samouprave u BiH kojeg finansira Švedska agencija za međunarodni razvoj (Sida), kojeg realizira UNDP sa Savezom općina i gradova FBiH kao partnerom.

Tokom obuke, učesnici su se upoznali sa relevantnim zakonskim okvirom koji se tiče ove oblasti, najnovijim trendovima i dobrim praksama upravljanja imovinom, mogli su steći osnovno znanje o principima i metodologiji upravljanja imovinom, metodama i alatima koje mogu koristiti JLS u realizaciji funkcije upravljanja imovinom, te podići svijest o značaju upravljanja imovinom u lokalnom razvoju.

Inače, Savez općina i gradova FBiH je putem istog projekta krajem 2012. i tokom 2013. godine, održao 42 seminara za općinske vijećnike. To je bio uvodni seminar koji je bio namijenjen, prijesvega, novoizabranim vijećnicima, a učešće je uzelo oko 600 vijećnika.

U skladu sa iskazanim interesovanjem vijećnika koji su pohađali spomenuti uvodni seminar, i njihovim većinskim opredjeljenjem, kreirana su dva modula i to: „Upravljanje imovinom jedinica lokalne samouprave“ i „Upravljanje gradskim / općinskim finansijama“.

Planirano je da se do kraja ove godine sprovedu regionalne obuke iz oba navedena modula sa ograničenim brojem učesnika.

Obuka je održana u skladu sa Strategijom obuke za jedinice lokalne samouprave u Federaciji Bosne i Hercegovine 2011. - 2015. godine, koju je usvojila Vlada Federacije BiH 2012. godine.

Na osnovu pomenute Strategije, poslovi vezani za operativno upravljanje obukom izabranih zvaničnika pripali su Savezu općina i gradova FBiH.

Sljedeća obuka, na istu temu biće održana u Tuzli, u petak, 28.11.2014. godine.



Sa obuke u Tomislavgradu, 13.11.2014.

FEDERALNI FOND IZDVOJIO SREDSTVA ZA POMOĆ KLJUČU

SARAJEVO, 10. novembar/studen – Federalni fond za pomoć nastradalim područjima od prirodne nesreće na teritoriji FBiH je za prioritetnu obnovu pet najteže stradalih stambenih objekata u općini Ključ izdvojio 20.073 konvertibilne marke, navodi se na web stranici Vlade FBiH.

Direktor Fonda Jasmin Jaganjac danas je potpisao tripartitne ugovore na osnovu kojih obnova ovih objekata može početi, a sredstva će na računima korisnika biti dostupna već sutra.

Ujedno, Jaganjac je, u ime Fonda, potpisao i ugovore o finansiranju izrade projektne dokumentacije za sanaciju dva klizišta na području općine Ključ. Ugovor vrijedan 3.510 KM odnosi se na finansiranje projektne dokumentacije za klizište u Reizovićima, a drugim ugovorom Fond daje 819 KM kako bi bila napravljena projektna dokumentacija za klizište koje je na lokalitetu Hadžića uništilo dio ceste. Inače, same radove na saniranju ova dva klizišta finansira UNDP, koji je na sebe preuzeo i obnovu školske dvorane u Ključu.

U današnjim razgovorima sa zamjenikom načelnika Ključa Abdulahom Šistekom, direktor Jasmin Jaganjac je za ponedjeljak najavio ponovnu posjetu ovoj općini, kako bi bile razmotrene mogućnosti za daljnju pomoć u saniranju posljedica ljetosnjih vremenskih nepogoda.

Savez općina i gradova FBiH
domaćin radne grupe NALAS-a
za održivi turizam

7

Javni poziv za dostavu najboljih
praksi o uključivanju žena i
mladih u lokalni život

7

Poziv za učešće u projektu:
"Prikupljanje podataka o čvrstom
otpadu u jugoistočnoj Evropi"

8

ODRŽAN PRVI MEĐUNARODNI SAJAM I KONFERENCIJA O OBNOVLJIVIM IZVORIMA ENERGIJE I ENERGETSKE EFIKASNOSTI – RENEXPO

U hotelu Hollywood u Sarajevu 5. i 6. novembra/studenoga održan je prvi međunarodni sajam i konferencija o obnovljivim izvorima energije i energetske efikasnosti RENEXPO. Savez općina i gradova Federacije BiH je u okviru ovog sajma učestvovao kao ne finansijski partner. Članice Saveza su imale mogućnost da putem Saveza predlože projekte, kao i da prezentuju svoja dostignuća u ovoj oblasti na izložbenom štandu Saveza općina i gradova FBiH. Ovaj događaj okupio je brojne investitore, donosiocje odluka, predstavnike relevantnih ministarstava i općinskih struktura, kao i poslovne rukovodioce iz energetske i sektora obnovljivih izvora energije u okviru najveće energetske platforme za cijeli region Zapadnog Balkana.

Sajam i konferenciju o obnovljivim izvorima energije i energetske efikasnosti otvorila je Myriam Dobrota, direktor kompanije REECO SRB d.o.o. Ona je istakla kako je cilj ovog događaja da zemlje ove regije dobiju pozornost kakvu zaslužuju u oblasti energije i energetske efikasnosti. Pored sajma i konferencija, ovaj događaj je okupio i investitore koje je povezao sa onima koji imaju zanimljive projekte iz ove oblasti.



Izložbeni štand Saveza općina i gradova FBiH

Njemačkog društva za međunarodnu suradnju uređenja FBiH, Miladin Gačanović iz Ministarstva za prostorno uređenje, građevinarstvo i ekologiju republike Srpske, Jasmina Kafedžić iz Fonda za zaštitu okoliša FBiH, Srđan Todorović iz Fonda za zaštitu životne sredine i energetske efikasnost republike Srpske, Jasmin Huremović iz kompanije Xella i Nijaz Delalić sa Mašinskog fakulteta u Sarajevu. Zaključci ove konferencije su da BiH ima dobru zakonsku regulativu po pitanju energetske efikasnosti iako još uvijek nije usvojen nacionalni plan o energetske efikasnosti. Također naglašeno je da veliku prepreku u Federaciji predstavlja činjenica da nije usvojen Zakon o energetske efikasnosti koji je još uvijek u parlamentarnoj proceduri.

Osim Konferencije o energetske efikasnosti u okviru Sajma je održana i konferencija o biomasi i hidrogradnji.



Konferencija: "Utica novih zakonskih okvira za energetske efikasnosti zgrada na tržištu BiH"

U okviru ovog sajma dodjeljene su i nagrade Renenergy za izuzetnu ličnost Lutzu Jarczyńskom (voditelj projekta konsultacije energetske efikasnosti u BiH ispred GLZa) i za internacionalne tehnologije njemačkoj kompaniji DIVE Turbinen GmbH & Co.

Održana je i konferencija o energetske efikasnosti u vidu talk show-a na teme:

- Uticaj novih zakonskih okvira za energetske efikasnosti zgrada na tržištu BiH
- Napredak implementacije energetske efikasnosti na lokalnom nivou

Na ovoj konferenciji učestvovali su: Biljana Trivanović iz Ministarstva vanjske trgovine i ekonomskih odnosa BiH, Brigitte Heuel-Rolf iz GLZ, Jasmina Katica iz Ministarstva prostornog uređenja FBiH, Miladin Gačanović iz Ministarstva za prostorno uređenje, građevinarstvo i ekologiju republike Srpske, Jasmina Kafedžić iz Fonda za zaštitu okoliša FBiH, Srđan Todorović iz Fonda za zaštitu životne sredine i energetske efikasnost republike Srpske, Jasmin Huremović iz



Izložbeni dio sajma na kojem je prezentirano više od 50 firmi i organizacija

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



ODRŽANA JAVNA RASPRAVA O NACRTU ZAKONA O PREMJERU I REGISTRACIJI NEKRETNOSTI

SARAJEVO, 7. novembar/

studen – Predstavnički Dom Parlamenta Federacije Bosne i Hercegovine je dana 8.7.2014. godine usvojio nacrt Zakona o premjeru i registraciji nekretnosti. Tom prilikom određena je javna rasprava o ovom nacrtu u trajanju od 120 dana. S obzirom na činjenicu da je ovaj zakon veoma značajan za jedinice lokalne samouprave, Savez općina i gradova Federacije Bosne i Hercegovine, koji je u skladu sa članom 51. Zakona o principima lokalne samouprave u Federaciji Bosne i Hercegovine zakonski zastupnik svojih članica (80 jedinica lokalne samouprave) pred vlastima u Federaciji Bosne i Hercegovine jučer je u Sarajevu organizirao javnu raspravu o nacrtu Zakona o premjeru i registraciji nekretnosti. Javnoj raspravi je prisustvovalo 56 osoba iz 35 jedinica lokalne samouprave iz Federacije Bosne i Hercegovine, kao i predstavnik Federalne uprave za geodetske i imovinsko-pravne poslove. Nakon iznesenih stavova i diskusije u kojoj je učestvovala većina učesnika javne rasprave, a koju je vodio Hazbo Ličina, direktor Uprave za imovinsko-pravne, geodetske poslove i katastar nekretnosti Grada Zenice, usvojeni su slijedeći zaključci:



Javna rasprava o nacrtu Zakona o premjeru i registraciji nekretnosti

1. Učesnici javne rasprave podržavaju generalni koncept nacrtu Zakona o premjeru i registraciji nekretnosti koji podrazumijeva uspostavu jedinstvene zemljišno-knjižne evidencije u Federaciji Bosne i Hercegovine.

2. Učesnici javne rasprave su protiv osnivanja kantonalnih uprava za geodetske poslove i registraciju nekretnosti predviđenih članom 11. nacrtu Zakona o premjeru i registraciji nekretnosti, i protiv davanja nadležnosti istima za poslove neposrednog osnivanja i održavanja registra nekretnosti, rješavanja upravnih stvari u prvom stupnju iz svoje nadležnosti, pripremanje srednjoročnih programa i godišnjih planova osnivanja registra nekretnosti na kantonalnom nivou, kao i izvještaja o njihovom izvršenju, iz razloga što smatraju da to predstavlja oduzimanje vlastitih nadležnosti jedinica lokalne samouprave utvrđenih Zakonom o principima lokalne samouprave.

Savez općina i gradova Federacije Bosne i Hercegovine je navedene zaključke uputio Vladi i Parlamentu Federacije Bosne i Hercegovine.



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

POČELA IZGRADNJA CENTRA ZA PODRŠKU INOVACIJAMA U BOSANSKOJ KRUPI



U Bosanskoj Krupi se 14. novembra/studenog ozvaničeni radovi na rekonstrukciji objekta u Poslovnoj zoni „Pilana“ namijenjenog Centru za podršku inovacijama koji će kroz programe pružati podršku malom i srednjem poduzetništvu u Bosanskoj Krupi ali i u ostalim općinama Unsko-sanskog kantona, a u okviru projekta "Razvoj inovacija i privlačenje investicija u Unsko-sanskom kantonu - BINOVA".

Projekt će do kraja 2016. godine implementirati Razvojna agencija Unsko-sanskog kantona (RA USK) s partnerima, Općinom Bosanska Krupa, Vladom USK, Centrom za promociju lokalnog razvoja PLOD iz

Bihaća i Tehničkim fakultetom u Bihaću. Ukupna vrijednost projekta iznosi 1.224.779,86 KM, od čega je većinu osigurala EU kroz IPA 2011.

Rekonstrukcijom objekta i uspostavom Centra za podršku inovacijama želi se stimulirati ekonomski razvoj i zapošljavanje, kroz bolju infrastrukturu i pružanje kvalitetnijih usluga poboljšati poslovno okruženje i operativni okvir za malo i srednje poduzetništvo. Osim toga, kreirat će se mjere i instrumenti podrške poduzetništvu koji će, bazirani na znanju, savremenim tehnologijama, saradnji sa ključnim akterima u lokalnoj zajednici i stvarnim potrebama na tržištu, biti dostupni svim privrednim subjektima u USK.



Grb Općine Bosanska Krupa


**KORISNI LINKOVI ZA
PREDPRISTUPNE FONDove EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.cbc-srb-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Doboj Jug



Grb Općine Usora



Grb Općine Tešanj

„Ovaj centar će biti mjesto educiranja i stvaranja kadrova koji treba da rade u Poslovnoj zoni Pilana, a i šire na području USK. Ovo je prilika da ambijent na kojem radimo već tri godine još dodatno poboljšamo. S obzirom da je Općina Bosanska Krupa jedna od općina koje su potpisale sporazum za dobijanje BFC sertifikata kako bi i u međunarodnim okvirima bila prepoznata kao općina sa dobrim poslovnim okruženjem, ta se priča polako zaokružuje. Trenutno imamo četrnaest investitora na području Poslovne zone Pilana i nešto više od 200 radnih mjesta. Drago mi je što smo prepoznati, svakodnevno nas kontaktiraju investitori, raspituju se, naravno put od investiranja nije tako jednostavan i kratak, ali mi smo uporni i spremni da tu priču završavamo“, ističe načelnik Armin Halitović.

Cilj je da se, kako kaže direktor Razvojne agencije USK Haris Komić, uspostavi kvalitetna podrška firmama u Poslovnoj zoni Pilana u Bosanskoj Krupi i firmama u USK koje djeluju u oblasti metaloprerađiva, drvoprerađiva, a poseban fokus bit će stavljen na IT industriju.

„Mi smo već u saradnji s privatnim sektorom identificirali dobar dio servisa koji će ovdje biti uspostavljeni i te servise ćemo s njima dalje uređivati, prilagođavati i isporučivati. Ovakve institucije imaju efekta i doprinose jačanju konkurentnosti. Naravno, to je temelj za uvođenje novih radnih mjesta, pokretanje novih investicija i poslova“, dodaje direktor Komić. Uspostava Centra za podršku inovacijama za rezultat bi, kako se moglo čuti, trebala imati povećanje zaposlenosti u sektoru malog i srednjeg poduzetništva za 10%, povećan broj solventnih malih i srednjih poduzeća za 10%, te povećan BDP za 7% do 2018. godine.


Obilazak budućeg gradilišta Centra za podršku inovacijama

IZVRŠENA PREZENTACIJA FAZE II STUDIJE IZVODLJIVOSTI ZA ZAJEDNIČKI PREČISTAČ OTPADNIH VODA ZA OPĆINE TEŠANJ, USORU I DOBOJ JUG

U Općini Doboj Jug predstavnici Instituta za hidrotehniku Građevinskog fakulteta Univerziteta u Sarajevu predložili su radni materijal druge faze Studije izvodljivosti za projekat izgradnje centralnog postrojenja za prečišćavanje otpadnih voda za tri općine Doboj Jug, Usora i Tešanj koja se radi zahvaljujući trilateralom sporazumu između ovih općina i finansijera Fonda za zaštitu okoliša Federacije BiH čiji je predstavnik Sanja Bosilić predstavila projekat, javljaju iz Općine Doboj Jug.

Voditeljica projekta Selma Čengić, dipl.inž. građevine je predložila kompletnu proceduru dosadašnje izrade studije, naglasivši da studija ima više ponuđenih rješenja u vezi buduće lokacije pomenutog prečišćavača, zatim njegovo tehnološko rješenje i modele upravljanja. Na općinama je da se opredijele za najpovoljnije varijante. Studija je u skladu sa utvrđenom multikriterijskom analizom i metodologijom zasnovanom na tehnološkom / inženjerskom, planskom/ institucionalnom, ekonomskom, društvenom i okolišnom kriteriju ponudila najbolja rješenja zasnovana na bazi socio-ekonomske analitike i istraživanja, pa su za budući prečišćavač ponuđene dvije lokacije. Jedna na lokalitetu Karuše (Općina Doboj Jug), s tim što bi ova općina morala hitno da uradi izmjenu regulacionog, odnosno prostornog plana i druga u Kraševu, Općina Tešanj. S obzirom na rezultate analize o povoljnosti ponuđenih lokacija, konsultant predlaže da Općina Doboj Jug donese, koliko je moguće hitan i konačan stav o mogućnostima i namjeri hitne izmjene regulacionog plana na lokaciji Karuše što je zadatak OV ove općine. Ukoliko se ovaj uvjet ispuni u korist planiranja izgradnje centralnog prečišćavača, lokalitet u općini Doboj Jug se predlaže kao prva povoljnija lokacija, a u protivnom lokaciju prečišćavača za Tešanj, Doboj Jug i Usoru treba planirati na lokaciji Kraševu, jer se u ovoj regiji nisu mogle pronaći povoljnije lokacije za gradnju, navodi ova studija.


Prezentacija studije u Općini Doboj Jug



KROZ PODRŠKU DIJASPORE I UNDP-A U JAJCU 7,5 HA NOVIH ZASADA MALINE



JAJCE, 03. novembar/studen – U okviru projekta „Migracije i razvoj“ danas je u Jajcu upriličena podjela sadnog materijala i opreme za 38 korisnika projekta „Proširenje nasada jagodičastog voća u Općini Jajce u saradnji sa dijasporom“. Na području Jajca, kroz finansijsko učešće dijaspore, programa Migracije i razvoj UNDP-a BiH i Općine Jajce biće podignuto novih 7,5 hektara zasada malina i uključeno 38 domaćinstava u sistem

proizvodnje.

Općina Jajce jedna je od 10 općina iz Bosne i Hercegovine koja je uključena u projekat UNDP BiH „Migracije i razvoj“ podrške općinama sa brojnom dijasporom u jačanju kapaciteta za razvojnu saradnju sa iseljeništvo. Vrijednost projekta za Jajce iznosi 116.816,00 KM od čega je učešće UNDP-a 30.000 dolara.

Korisnicima je danas isporučeno ukupno 92.796 sadnica maline (po korisniku 2442 sadnice) i kompletan sistem za navodnjavanje za dva duluma pod malinama, a korisnici se, prema Ugovoru, obavezuju uzgajati maline narednih deset godina.

Inače, projekat „Migracije i razvoj“ predstavlja zajedničku inicijativu Ministarstva za ljudska prava i izbjeglice BiH, Švicarske agencije za razvoj i saradnju (SDC) i UNDP-a, a implementira se u saradnji sa deset jedinica lokalne samouprave u BiH. Cilj projekta je da doprinese formiranju povoljnog ambijenta za angažman iseljenika koji su voljni da proaktivno podrže i promovišu razvoj Bosne i Hercegovine.



Podjela zasada maline

GRAD BIHAĆ I OPĆINA BOSANSKA KRUPA PRISTUPILI BFC SEE PROGRAMU



Grad Bihać i Općina Bosanska Krupa zajedno sa općinama Livno, Tešanj, Visoko, Žepče, Prozor-Rama i Goražde, 11. novembra/studenog su pristupili BFC SEE programu certifikacije gradova i općina sa povoljnim poslovnim okruženjem u jugoistočnoj Evropi. Riječ je o poznatom projektu kojeg realizira Mreža za povoljno poslovno okruženje Federacije Bosne i Hercegovine uz

podršku Njemačke agencije za međunarodnu saradnju (GIZ), kroz projekat Otvoreni regionalni fond za modernizaciju opštinskih usluga u Jugoistočnoj Evropi i Švicarska agencija za razvoj i saradnju (SDC), navodi se na web stranici Grada Bihaća.

U ime grada Bihaća i Općine Bosanska Krupa ugovore su danas potpisali mr.sci. Emdžad Galijašević, gradonačelnik Bihaća i Armin Halitović, načelnik Bosanske Krupe, istaknuvši da je današnje pristupanje procesu certifikacije još jedan korak u razvoju dva grada koja su lideri kada je u pitanju stvaranje povoljnog poslovnog okruženja.

„Za grad Bihać svaki certifikat i priznanje koje dođe od međunarodnih priznatih institucija znači korak naprijed u razvoju grada i kada vidite pozitivna iskustva gradova iz regiona koji su prošli proces certifikacije i danas su mjesta gdje strani ulagači investiraju, onda morate sve učiniti da ukazano povjerenje opravdate i pokažete da ste mjesto gdje je svaki investitor dobrodošao. Mi smo setom mjera u privredi pokazali kako se ulagač i investitor cijeni i zbog toga smo sretni da budemo dio ovog procesa“, kazao je gradonačelnik Galijašević.

Program Certifikacije općina sa povoljnim poslovnim okruženjem je osmislila i pokrenula Nacionalna alijansa za lokalni ekonomski razvoj NALED u Srbiji 2007. godine. Prije dvije godine projekat je proširen na Hrvatsku, Bosnu i Hercegovinu i Makedoniju. Ugovor o formiranju Regionalne mreže za povoljno poslovno okruženje je potpisan u septembru/rujnu 2013. godine u Opatiji. Regionalna mreža je zadužena za unapređenje uslova za

Na putu do certifikata općine trebaju ispuniti 12 kriterija i više od 80 podkriterija koji podrazumijevaju unapređenje procedura, jačanje transparentnosti, smanjivanje birokratije i pribavljanje svih dokumenata i podataka neophodnih privrednicima i potencijalnim ulagačima u planiranju poslovanja i donošenju investicionih odluka.



mr.sci. Emdžad Galijašević, gradaonačelnik Bihaća i Armin Halitović, načelnik Bosanske Krupe

rad postojeće privrede i privlačenje novih investicija u Hrvatskoj, Srbiji, Bosni i Hercegovini i Makedoniji.

„Općina Bosanska Krupa kroz razvoj poslovne zone pokazala je kako se privlače investitori i zbog toga nam je izuzetno važno što smo zajedno sa još nekoliko općina iz BiH ušli u proces certificiranja koji daje novi vjetar u leđa našoj lokalnoj zajednici u privlačenju stranih investitora“, kazao je načelnik Halitović.

Mreža svoju misiju ostvaruje uključivanjem lokalnih samouprava u program Certifikacije općina sa povoljnim poslovnim okruženjem u jugoistočnoj Evropi (BFC SEE). Na putu do certifikata općine trebaju ispuniti 12 kriterija i više od 80 pod-kriterija koji podrazumijevaju unapređenje procedura, jačanje transparentnosti, smanjivanje birokratije i pribavljanje svih dokumenata i podataka neophodnih privrednicima i potencijalnim ulagačima u planiranju poslovanja i donošenju investicionih odluka. Jedna od članica Regionalne Mreže za povoljno poslovno okruženje je Mreža za povoljno poslovno okruženje Federacije BiH. Sporazum o uspostavljanju Mreže Federacije BiH je potpisan u Mostaru u junu/lipnju 2013. godine. Mreža je uspostavljena u cilju stvaranja i unapređenja povoljnog poslovnog okruženja na nivou lokalnih samouprava u Federaciji Bosne i Hercegovine, pribavljanja akreditacije za BFC certifikaciju i provođenje certifikacije lokalnih samouprava sa povoljnim poslovnim okruženjem.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

VLADA FBiH PODRŽALA KREDITNO ZADUŽENJE GRADAČKA ZA VODOOPSKRBU

SARAJEVO, 6. novembar/studeni – Vlada FBiH na današnjoj sjednici u Sarajevu podržala je inicijativu da kreditnim zaduženjem kod Evropske banke za obnovu i razvoj (EBRD) budu osigurana sredstva za realizaciju Projekta vodoopskrbe Gradačca u iznosu do 6.000.000 eura, saopćeno je iz Ureda za odnose s javnošću Vlade FBiH.

Konačna Odluka o zaduženju bit će donijeta po okončanju pregovora sa EBRD-om o uvjetima kreditnog zaduženja.

Krajnji dužnici po ovom kreditnom zaduženju su Općina Gradačac u iznosu do 4.000.000 eura i Tuzlanski kanton u iznosu do 2.000.000 eura.

OMLADINSKA BANKA DOBOJ JUGA PROMOVISALA DESET OVOGODIŠNJIH PROJEKATA

Uz prisustvo članova Odbora Omladinske banke Doboj Jug, članova neformalnih omladinskih grupa koji su realizovali deset projekata u tekućoj godini u kabinetu načelnice Jasminke Begić obavljena je svečana promocija ovogodišnjih rezultata rada OB Doboj Jug. Tom prilikom su aktivistima, prije svega volonterima iz neformalnih grupa, članovima odbora OB, donatorima, predstavniku općine za projekat OB Samiru Čabriću i općinskoj načelnici Jasminki Begić uručena priznanja. Svaki član Odbora OB je dobio uvjerenje o volontiranju, dok su za najistaknutije pojedince uručene zlatne, srebrene i bronzane plakete.

Ovo je peta godina kako uspješno funkcioniše Omladinska Banka Doboj Jug u saradnji sa lokalnom zajednicom i u tom periodu je realizovala šezdeset raznih projekata. Ove godine realizovani su projekti: „Proplivajmo zajedno“, „Nogometom do sreće“, „Ping-pong“, „Mravičiradovi na igralištu“, „Uređenje i osvjjetljenje dječijeg igrališta“, „Uređenje i osvjjetljenje parking prostora“, projekti pod nazivom „Vrijeme je za zabavu“, „Ljetnji olimpijski izazov Doboj Jug 2014“, „Dječiji park“ i „Čišćenje i uređenje zapuštene parcele u MZ Mravići i izgradnja zabavnog parka“. Ukupna vrijednost projekata je preko trideset hiljada maraka, od čega je doprinos lokalne zajednice više od polovine sredstava, a ostatak je financiran putem Omladinske Banke i Fondacije Mozaik.



Grb Općine Doboj Jug



Općinska načelnica Jasminka Begić je u izjavi za NTV „Smart“ pozvala mlade ljude Doboj Juga na daljnju saradnju, iskazavši spremnost ove općine za podršku projektima u kojima će učestvovati Omladinska Banka. Mladima je poručila veći aktivizam, ne samo kroz neformalne grupe, već kroz i volontiranje u mjesnim zajednicama i brojnim NVO-ma, kojih je na području ove općine registrovano tridesetčetiri.

SAVEZ OPĆINA I GRADOVA FBiH DOMAĆIN RADNE GRUPE NALAS-A ZA ODRŽIVI TURIZAM



NALAS-va (Mreža lokalnih vlasti jugoistočne Evrope) radna grupa usmjerena na održivi turizam, sastala se 11. i 12. novembra/studenog 2014. godine u Sarajevu, kako bi raspravljala o ključnim izazovima i rješenjima za turizam u Jugoistočnoj Evropi. Sastanak se fokusirao na razmjenu iskustva saveza lokalnih vlasti (članica NALAS-a) i država o održivom turizmu te finalizaciji alata za planiranje održivog turizma na lokalnom nivou.

Članovi radne grupe, koji dolaze iz turističkih odjela općina iz Jugoistočne Evrope ili NALAS članica, učili su jedni od drugih kako se boravišne taksa regulišu u svakoj od općina i kakva je uloga saveza lokalnih vlasti u području održivog razvoja turizma na lokalnoj razini. Također se razgovaralo o konkretnim projektnim idejama u održivom turizmu koje će se implementirati preko mreže. Radna grupa je putem radionica radila na finaliziranju jednog od svojih proizvoda znanja, alata za planski održivi turizam na lokalnoj razini. Ovaj alat će pomoći općinama u procjeni i organizaciji potencijala u turizmu na lokalnom nivou, integrirajući ga u službeno planiranje lokalne samouprave.

Susret Radne grupe je uključivao i obilazak eko-sela EcoFutura, u blizini Sarajeva. Selo je izgrađeno u planinskom području od strane grupe ljubitelja prirode iz nevladinih organizacija, te je u savršenoj harmoniji sa prirodom gdje se može naći domaća vegetarijanska prehrana, smještaj, objekti za timski razvoj, te dječija igrališta.



Sa sastanka radne grupe

JAVNI POZIV ZA DOSTAVU NAJBOLJIH PRAKSI O UKLJUČIVANJU ŽENA I MLADIH U LOKALNI ŽIVOT – GENiYOUTH



Mreža asocijacija lokalnih vlasti (NALAS) raspisala je konkurs za dodjelu nagrada najboljim lokalnim praksama na području uključivanja žena i mladih u život lokalne zajednice. Pozivaju se sve jedinice lokalne samouprave da

dostave svoje inicijative, prakse, naučene lekcije i rezultate na predmetnu temu u svrhu razmjene znanja i iskustava.

Pet najbolje ocijenjenih prijava dobit će GENiYOUTH nagradu lokalne inicijative (Municipal initiative award), te će biti pozvani na svečanu dodjelu nagrada i predstavljanje nagrađenih inicijativa u gradu Plovdiv (Bugarska), u maju/svibnju 2015. godine

Pozivaju se zainteresirane općine/gradovi da svoje prijave na engleskom jeziku dostave na e-mail: geniyouth@nalas.eu do 19. decembra/prosinca ove godine. Prijavne obrasce možete preuzeti sa web stranice Saveza (www.sogfbih.ba).

Za sve detaljnije informacije kontakt osobe su:

NALAS

g-đa Natasha Ilijeva-Acevska

+389 2 3090818

acevska@nalas.eu

Savez općina i gradova Federacije BiH

g-đica Mirela Čaušević

+387 33 216 502

mirela@sogfbih.ba





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Uključite Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

POZIV ZA UČEŠĆE U PROJEKTU: „PRIKUPLJANJE PODATAKA O ČVRSTOM OTPADU U JUGOISTOČNOJ EVROPI“

Njemačka agencija za međunarodni razvoj (GIZ) putem Otvorenog regionalnog fonda za modernizaciju općinskih/gradskih usluga (ORF MMS) i uz podršku Švicarske agencije za razvoj i saradnju (SDC) implementira projekat „Prikupljanja podataka o čvrstom otpadu u Jugoistočnoj Evropi“.

Glavni cilj projekta je da javna komunalna preduzeća i općine/gradovi u Jugoistočnoj Evropi izgrade kapacitete da efikasnije razvijaju i koriste podatke o prikupljenom, tretiranom i odloženom komunalnom otpadu.

Projekat će doprinijeti izgradnji kapaciteta općina/gradova i javnih komunalnih preduzeća u oblasti upravljanja otpadom i razmjeni znanja i dobrih praksi na regionalnom nivou. Projekat će se implementirati u 4 zemlje Jugoistočne Evrope: Bosni i Hercegovini, Crnoj Gori, Makedoniji i Srbiji, sa širokim krugom partnera u svakoj od partnerskih zemalja. Period implementacije projekta je od 1. oktobra/listopada 2014. godine do 28. februara/veljače 2016. godine.

Pozivamo sve općine/gradove da, zajedno sa javnim komunalnim preduzećem, konkurišu za učešće u projektu, kako bi bili u prilici da postanu jedna od četiri pilot općine/grada koji će biti izabrani za učešće u projektu.

Na linku ispod se nalaze:

- Informacija o projektu;
- Smjernice za proces odabira općina/gradova i javnih komunalnih preduzeća;
- Smjernice za popunjavanje prijave;
- Formular za prijavu učešća u projektu – općina/gradova i javnog komunalno preduzeć;
- Upitnik za općine/gradove i javna komunalna preduzeća;
- Pismo interesa – općine/gradovi i javno komunalno preduzeće;
- Obaveze općine/gradova i javnog komunalnog preduzeća tokom učešća na projektu.

Molimo sve općine/gradove i javna komunalna preduzeća da svoje popunjene prijave dostave u originalu, zaključno sa 20.11.2014. godine na adresu:

Savez općina i gradova Federacije BiH

Musala br. 5/1

71 000 Sarajevo

Kontakt osoba:

g-đica Mirela Čaušević, koordinator projekta

033 216 502

mirela@sogfbih.ba

